

04 IULIE
RUGACIUNEA 1
SF. IMPARATESE-MUCENITE
ALEXANDRA TEODOROVNA
A RUSIEI

Молитва

О святая мученице царице Александре, о возлюбившая Господа от всего сердца твоего, и от всея души твоея, и всею крепостию твоею и всем помышлением твоим! Ве мы, яко младенца тя сущу страданием венча Христос матери ти умершей: помолися о чадах наших, матерей лишенных, матерьми оставленных, матерьми убиенных. Ве мы, яко Жениха ради Небеснаго готова была еси отвергнути жениха царственнаго: помолися об отроковицах и отроцех наших, да не изберут скотскую пищу, ценою души купованную. Ве мы, яко возненавидено была еси ближними от венца брачнаго: помолися о юных женах, в дома мужей входящих. Ве мы, яко неудобны были суть чада твоя, дондеже наследник не родися: помолися о женах, в долгонедужии сущих. Ве мы,

яко чадо молитвы, чадо веры твоея, сын и наследник, неисцельно болен явился есть: помолися не быти оставленным и болящим младенцем страны твоея. О избранная крестонесице Христова чрез все житие твое, возлюбившая народ твой паче себе: возжелевшая паче умерети, неже оставити страну твою: разделившая мученический венец с помазанником Божиим: умоли Бога твоего, да не отступим от Него в час посещения нашего, да верны пребудем Христу кийждо на месте своем, да внидем в Царство, идеже ты солнечная луча еси Солнца Правды, Христа Бога нашего, в Троице Славимаго. Аминь.